

Celebrando den forma grandi 10 aña di existencia TOB Carnaval Group ta yama Bon Bini na Aruba su Carnaval 56

Pa prome biaha ta subi caya cu TOB Kids

ORANJESTAD (AAN): Awe TOB Carnival Group ta start sali cu e celebracion grandi di 10 aña di existencia. Un logro cu sin duda algun no por laga pasa bay sin celebra esaki den un forma grandi. "Celebration" lo ta e tema cu TOB lo ta participando cu ne durante carnaval 56.

Pa habri e celebracion grandi aki TOB tin un prijs special pa awe so, cuminsando 11'or di mainta te cu 9'or di anochi. Tur hende cu inscribi unicamente awe ta paga e prijs di Afl. 550,= pa participa durante tur tres parada. E unico cos cu mester haci ta pasa Drop 'n

Nuts of Birkenstock Store, inscribi pa participa cu TOB, y laga un deposito di solamente Afl. 100,=. Un vez mas TOB lo ser acompaña pa e grupo cu aña tras aña ta pone tur hende baila sin fin cual ta Youth Xtreme.

Pa completa e celebracion di 10 aña di existencia TOB ta start sali awor cu un grupo di mucha "TOB kids". Nan tema tambe ta "Celebration". Tsunami, e banda cu ta pone tur mucha jump, lo compaña tur mucha durante dos parada pa unicamente Afl. 175,=. Pasa inscribi y join TOB kids lagando solamente un deposit di Afl. 50,=.

Hunto cu tur carnavalista TOB lo bay celebra bida cual ta consisti di amor y amistad.

Temporada di Carnaval 56 a cuminsa pa Don Flip Carnival Group tambe

ORANJESTAD (AAN): E temporada oficial di Carnaval 56 a cuminsa oficialmente awe riba 11 di November 2009. Sigur un fecha cu pa hopi aña ta conoci caba, como e fecha oficial di comienso di un periodo nobo di Carnaval.

Pa Don Flip Carnival Group ta un placer y honor, como e grupo di mucha ya pa un paar di aña caba, mas grandi den Parada, pa anuncia cu nan ta cla pa e temporada nobo di Carnaval 56.

Don Flip Carnival Group ta presenta awe su tema oficial pa Carnaval 56 cu ta: Soño di un Mucha.

Tambe nos kier a anuncia cu pa prome biaha, e programa di

mucha mas sintonisa y gusta actualmente na Aruba KIDS, ta join Don Flip Carnival Group den Carnaval 56.

Nan kier a invita tur mayor y muchanan pa cuminsa inscribi di awo caba na cel: 592-8991 of tel: 583-2565. Mayornan por cuminsa deposita di awo caba sea 25 Florin of 50 Florin pa asina aki no mester paga un solo bedrag di biaha.

Nos prijs a keda mesun cos, esta 175 Florin, y ta inclui disfraz completamente cla pa bisti, mesun cos cu e headpiece, y ta bay parada di mucha na San Nicolas y na Playa.



Tambe prosperidad y abundancia, speranza y libertad y mucho mas. E massa di TOB lo bay celebra "Paz" cual ta un palabra cu significacion imenso y bunita. Na Aruba a yega e momento pa laga negativismo un banda y cuminsa celebra hunto kico nos tin y kico nos ta representa como hende y como pais.

Asina ta pasa inscribi awe na Drop 'n Nuts of Birkenstock Store, y participa cu TOB-den carnaval 56 pa e prijs unico di Afl. 550,= cual lo ta valido awe so! Y no lubida di pasa inscribi muchanan pa join



TOB kids pa e prijs unico di Afl. 175,=